

## Schuehlöffu

Oh je, dä Chummer,  
die Schueh hei sicher di lätzi Nummer,  
zum dricho bruchts wou oder übu Geduld,  
sy passe nid, sy äch di dicke Socke d'schuld.

E Schuehlöffu wär jtz ds A u O,  
so chönnt me d'Gwüssheit übercho,  
ob's längt oder nid  
u was us däm "Chrampf" no wird.

Drum, nimm dr Löffu, tue ne ine stecke,  
derzue d'Färsere chly schtrecke,  
e Druck gä mit em Fuess  
u de geits zum Schluss,  
ds Wärch isch vollbracht,  
dr Schueh sitzt u dr "Chopf" lacht.

Hesch Müeh gha mit de Schueh,  
hesch knorzet u gnue müesse tue,  
drum bruch ds nächscht mau dr Verschtang,  
nimm gschwing dr Schuehlöffu zur Hang.

